

15. (Die teil mit rechter ankunfft an sich gebracht.)

Item nochdem meister Caspar Seidensticker von Lipczk vor berggerichte uff dem Schneberge *fol. 19 (103)*. sine schulde und anlage zu eynem kucks in der Obirschar, den Johan Zciring burger zu Zcirbiß ynne heldet, also angestalt und erczelen laßen, das er denselben kucks durch redeliche ankunfft eyns
5 kouffs zu sich bracht habe, sey ym ouch zu der zzeit durch den schichtmeister derselben zcechen zugeschriben ꝛ., und sulch kucks sey ym durch schaffunge sines verlegers ym zu schaden widder alle billichkeit untrawlich und betriglich ane sinen willen und bewußt entwand und ußgeschriben wurden, und wy dy myt vil langen Worten in sich heldet ꝛ. Dorkegen antwert Hans Schiring, das er keynen teil ynne habe, der Caspar Seidenstickers sey, der ym untrawlich abgeschriben were, und saget ym
10 dorczu nein, sundern er habe eynen teil in rechter ankunfft gekoufft, an sich bracht noch besagunge myner gnedigen herren ordinacio, den innegehabt jar und tag biß in das virde jar ane ydermans insprache, den verlegt, verbuwet, als bergwergks recht ist, ane Caspar Seidenstickers, der inlendisch, stadhafftig, mundig ist gewest, rechtliche insprache, und erbewtet sich das, wy recht ist, zu vollkommen ꝛ.

15 H. spr. w. n. b. v. r. Kan Hans Schiring, als er sich berumet, wy recht ist, volkomen, das er sulchin teil mit rechter ankunfft zu sich bracht had und had den so lange, als er setczet, noch bergwergks gewonheit in bawlichem weßen und in geruglichen und gebruchlichen gewehren gehalten ane Caspar Seidenstickers rechtliche insage, so ist er nehir und mit mehrern rechte dorbey zu bliben, danne yn Caspar mit sinen gesaczten anlagen dorvon gedringen moge.

20 16. (Eyne gewehre thun. — Vorsigelter brieff und zcedel.)

Item nochdem der wirdige er Johan Vogel thumherre zu Wurzzen noch gethaner vorrede *fol. 19^b (103)*. sine clage und zuspruche setczet zu Casparn Bernharde Seidensticker mitburger zu Lipczk zu allen sinen gutern und teilen uff dem Schneberge und andern enden, wo er dy in unser gnedigen hern herschafft had, von wegen eyns halben kucks in sent Jorgen zceche uff dem gnanten berge, den der
25 gnante Caspar unser liben frauwen kirchen zu Wurzzen und ym zu großem schaden verkoufft had, als er spricht, und er Johan ym das ydoch nicht gesteht, und er habe er Johan uß dem schichtregister laßen schriben ane sinen wissen und willen, ouch dy brieffe und zcedeln, dy er ym nicht anders danne uff glouben und vertrauwen obirgeantwert had, der nicht anders danne noch rathe Lodwigen Scheiben burgermeisters zu Lipczk^a) und doctor Cristoffil Eckels zu gebruchen, das er ym
30 danne so zu halden zugesaget und nicht gethan, sundern der gantcz untrawlich missebrawcht, und wy sulche sine schulde forder mit gar langer begriffunge in sich heldet ꝛ. Darkegen ist Caspar Seidenstickers antwert in langen gesetzczen uff den grund: er hette mit dem gnanten er Johan siner teil in der zcedeln benand eynen vertrag und contract gemacht, das er dy yn beiden zu gute und umbe dy helffte mit sinem gelde verbuwen solt. Dy teil er so angenommen und verbuwet
35 had yns virde jar. Dornoch had er dy teil nicht mehir wullen verlegen und had sulchin vertrag ym widder abegesaget und ym dy zu sinen handen gelaßen dormith zu thun und zu laßen, ym sine ußgesnytten versigelte zcedel widder obirgeantwert und dorczu eynen versigelten machtbrieff siner

15. *Vergl. Urteil 36.*

40 16. *Das Endurteil der Landesherren in dieser Angelegenheit (Concept o. D. Hauptstaatsarchiv Dresden WA. Bergwerksachen Kaps. VI A fol. 184) entscheidet, daß der Brief Joh. Vogels nichts sei als eine irwelunge und satzunge Caspar Seidenstickers zcu ern Johanßen Vogil procurator unnd anwalten in einer milden gewalt gnant procurator cum libera, domit doch er Johanße Vogil nicht benomen ist solche gewalt und macht zu widderrufen. Habe Seidensticker nach Widerrufung der Vollmacht veranlaßt, daß Vogel aus dem Schichtregister gethan und er an seine Stelle geschrieben worden sei, so sei dieß ungiltig. a) War Bürgermeister 1472, 1475, 1478 u. ö.*